



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՆԵՐՔԻՆ ԳՈՐԾԵՐԻ
ՆԱԽԱՐԱՐՈՒԹՅԱՆ ՈՍՏԻԿԱՆՈՒԹՅԱՆ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ

N21 4948
« 18 » 09 2023թ

Ձեր _____.

Սողոմոն Սումբարի Չիլինգարյանին

Հասցե՝

ք. Երևան Մանանդյան փող., 25 շ/ 3բն

Հարգելի՛ պարոն Չիլինգարյան

Ուղարկում եմ Ձեր դիմումի հիման վրա ՀՀ ՆԳՆ ոստիկանության
իրավաբանական վարչությունում հարուցված բողոքարկման վարույթի արդյունքում
ընդունված «Բողոքն ամբողջությամբ բավարարելու մասին» որոշման օրինակը:

Առդիր՝ « 2 » թերթ:

Հարգանքով՝

**Պեյր,
ոստիկանության գնդապետ**

Ռ.Մարանդյան

« ՀԱՄԱՁԱՅՆ ԵՄ »

ՀՀ ՆԳՆ ոստիկանության իրավաբանական վարչության
պետ, ոստիկանության գնդապետ

Ռ.Մարանդյան

« 15 » սեպտեմբերի 2023թ.

Ո Ր Ո Շ Ո Ւ Մ

(բողոքն ամբողջությամբ բավարարելու մասին)

« 15 » սեպտեմբերի 2023թ.

ք. Երևան

ՀՀ ՆԳՆ ոստիկանության իրավաբանական վարչության ԻՊ բաժնի ավագ տեսուչ, ոստիկանության մայոր Տիգրան Գաբրիելյանս, ուսումնասիրելով Սողոմոն Սումբատի Չիլինգարյանի (այսուհետ՝ Դիմող) ՀՀ ՆԳՆ ոստիկանության Երևան քաղաքի վարչության Մալաթիայի բաժնի (այսուհետ՝ Բաժին) վարչական ակտի դեմ բերված վերադասության կարգով դիմում-բողոքը.

Պ Ա Ր Զ Ե Ց Ի

ՀՀ ՆԳՆ ոստիկանության իրավաբանական վարչությունում 30.08.2023թ. ստացվել է Դիմողի բողոքը՝ հասցեագրված ՀՀ Ներքին գործերի նախարարին: «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի համաձայն հարուցվել է վարչական բողոքարկման վարույթ, նշանակվել է վարչական լսում, որի վերաբերյալ Դիմողը պատշաճ ծանուցվել է և չի ներկայացել:

Բողոքի առարկան

Դիմողը խնդրել է վերացնել ՀՀ ՆԳՆ ոստիկանության Երևան քաղաքի վարչության Մալաթիայի բաժնի 31.07.2023թ. թիվ 324 որոշումը:

Վարույթի համար նշանակություն ունեցող փաստերը.

- 25.07.2023թ. Դիմողի նկատմամբ կազմվել է վարչական իրավախախտման վերաբերյալ թիվ 324 արձանագրությունը: Արձանագրվել է ՀՀ վարչական իրավախախտումների վերաբերյալ օրենսգրքի (այսուհետ՝ Օրենսգրք) **173.2 հոդվածի 1-ին մասի** հատկանիշներով նախատեսված իրավախախտում:
- ՀՀ ՆԳՆ ոստիկանության Երևան քաղաքի վարչության Մալաթիայի բաժնի պետի կողմից Դիմողի նկատմամբ 31.07.2023թ. կայացվել է վարչական իրավախախտման գործի վերաբերյալ թիվ 324 որոշումը, որով Դիմողը Օրենսգրքի **173.2 հոդվածի 1-ին մասով**

նախատեսված արարք կատարելու համար ենթարկվել է վարչական պատասխանատվության նվազագույն աշխատավարձի հիսնապատիկի չափով՝ 50.000 ՀՀ դրամ:

Կիրառելի իրավունքը (օրենքը)

Սույն բողոքի նկատմամբ կիրառելի են «Վարչարարության հիմունքների և վարչական վարույթի մասին» ՀՀ օրենքը (այսուհետ՝ Օրենք), Վարչական իրավախախտումների վերաբերյալ ՀՀ օրենսգիրքը (այսուհետ՝ Օրենսգիրք), «Ծխախոտային արտադրատեսակների և դրանց փոխարինիչների օգտագործման հետևանքով առողջությանը հասցվող վնասի նվազեցման և կանխարգելման մասին» ՀՀ օրենքը:

Վարույթի արդյունքում արված եզրահանգումները

Օրենսգրքի 173.2-րդ հոդվածի 1-ին մասի համաձայն՝ Օրենքով սահմանված Օրենսգրքի 173.2-րդ հոդվածի 1-ին մասի համաձայն՝ «Օրենքով սահմանված ծխախոտային արտադրատեսակի կամ ծխախոտային արտադրատեսակի փոխարինիչների օգտագործման կամ օգտագործման սահմանափակման արգելքը խախտելը, բացառությամբ սույն օրենսգրքի 135.1-ին և 135.2-րդ հոդվածներով սահմանված դեպքերի՝ առաջացնում է տուգանքի նշանակում պաշտոնատար անձի նկատմամբ՝ սահմանված նվազագույն աշխատավարձի հարյուրհիսնապատիկից երկուհարյուրապատիկի չափով, իսկ ֆիզիկական անձի նկատմամբ՝ հիսնապատիկի չափով»:

Նյութերի ուսումնասիրությունից պարզվում է, որ Դիմողի նկատմամբ կայացված 25.07.2023թ. որոշմամբ արձանագրվել է <<.. Սողոմոն Սումբատի Զիլինգարյանը 25.07.2023թ. ժամը 17:00-ի սահմաններում թաղապետարանի հարակից այգում օգտագործել է ծխախոտային արտադրատեսակ՝ ծխախոտ.....>>: Այնուհետև 31.07.2023թ. Բաժնի պետի կազմից կայացվել է թիվ 324 որոշումը, որտեղ արձանագրվել է <<... 25.07.2023թ. Սողոմոն Սումբատի Զիլինգարյանը այգում օգտագործել է ծխախոտ.....>>:

«Ծխախոտային արտադրատեսակների և դրանց փոխարինիչների օգտագործման հետևանքով առողջությանը հասցվող վնասի նվազեցման և կանխարգելման մասին» օրենքի 6-րդ հոդվածի 1-ին մասով սահմանված են ծխախոտային արտադրատեսակների, ծխախոտային արտադրատեսակների փոխարինիչների (բացառությամբ բժշկական նպատակով օգտագործվող ծխախոտային արտադրատեսակների փոխարինիչների) **օգտագործման արգելված վայրերը, որտեղ հստակեցված է ծխախոտային արտադրատեսակների, ծխախոտային արտադրատեսակների փոխարինիչների օգտագործման արգելված կոնկրետ տարածքները** /բժշկական կազմակերպություններ, նախադպրոցական, հանրակրթական ուսումնական հաստատությունների, նախնական արհեստագործական և միջին մասնագիտական ուսումնական, բարձրագույն և հետբուհական ուսումնական հաստատություններ, հանրային սննդի օբյեկտներ, համայնքի կողմից երեխաների համար նախատեսված խաղահրապարակներում և խաղային

պուրակներում, պատմության և մշակույթի անշարժ հուշարձանների տարածքներում, բացառությամբ պատմության և մշակութային այն անշարժ հուշարձանների, որոնք համարվում են բնակելի տներ, և այլ/։ **Իսկ այգում ծխախոտ օգտագործելու վերաբերյալ որևէ օրենսդրական արգելք սահմանված չէ։**

Օրենքի 63-րդ հոդվածի 1-ին մասի համաձայն՝ «Անվավեր է առ ոչինչ չհանդիսացող այն ոչ իրավաչափ վարչական ակտը, որն ընդունվել է՝ օրենքի խախտմամբ, այդ թվում՝ օրենքի սխալ կիրառման կամ սխալ մեկնաբանման հետևանքով»։ Նույն հոդվածի 2-րդ մասը սահմանում է՝ «Սույն հոդվածի 1-ին մասով նախատեսված ոչ իրավաչափ վարչական ակտը կարող է անվավեր ճանաչվել այդ ակտն ընդունող վարչական մարմնի կամ դրա վերադաս մարմնի կողմից, ինչպես նաև դատական կարգով»։

Նկատի ունենալով վերոնշյալը՝ գտնում եմ, որ ՀՀ ՆԳՆ ոստիկանության Երևան քաղաքի վարչության Մալաթիայի բաժնի 31.07.2023թ. թիվ 324 որոշումը կայացվել է օրենքի սխալ կիրառման կամ սխալ մեկնաբանման հետևանքով։

Ելնելով վերոգրյալից և ղեկավարվելով «Վարչարարության հիմունքների և վարչական վարույթի մասին» ՀՀ օրենքի 63-րդ հոդվածի 2-րդ մասով և ՀՀ օրենքի 76-րդ հոդվածի 4-րդ մասով և 1-ին մասի «ա» կետով՝


Ո Ր Ո Շ Ե Ց Ի

1. Բողոքը բավարարել՝ ոստիկանության Մալաթիայի բաժնի պետի թիվ 324 որոշումը ճանաչել անվավեր։

2. Որոշման օրինակը 3-օրյա ժամկետում ուղարկել կողմերին։

3. Սույն վարչական ակտը կարող է բողոքարկվել ՀՀ վարչական դատարան՝ ՀՀ վարչական դատավարության օրենսգրքի 72-րդ հոդվածով նախատեսված ժամկետներում։

**ՀՀ ոստիկանության իրավաբանական
վարչության իրավական պաշտպանության բաժնի
ավագ տեսուչ, ոստիկանության մայոր՝**



Տ.Գաբրիելյան




ՀՀ Ոստիկանության կենտրոնական ապարատ
Armenia ԵՐԵՎԱՆ ԵՐԵՎԱՆ Նալբանդյան 130

0025

21/4948

19.09.2023



L0111317533AM

ՀԵՏ ՎԵՐՆԱՐԱԾ RETURN	0046	20 09 2023	0025	19 SEP 2023	YEREVAN	ARMENIA	CN15
☐ Անհայտ/ Unknown	☐ Տեղափոխված/ Gone away	☐ Բացի հասցեի/ Different address	Երեւան, 19.09.2023				20.10

ԱՊՐԱՊՈՐՏԱԿԱՆ ԵՐԵՎԱՆԻ ՄԱՍՆԱԴՐԱՆ
Armenia ԵՐԵՎԱՆ ԵՐԵՎԱՆ ՄԱՍՆԱԴՐԱՆ Փ 25 ՅՔԼ